

Dai 18 d'otober 2021 inant él gnü istituí sön la ligna dles corieres nr. 464 chisc iadi implü: dales 7.18 da La Val a Lungiarü (röia a Lungiarü dales 7.47)
dales 14.06 da Lungiarü a La Val (röia a La Val dales 14.29)

PLOANIES SAN MARTIN Y LUNGIARÜ

Por la legislatöra nöia di consëis de cöra scrí le Vësko Ivo Muser: La Dlijia é vocaziun, formada da porsones cherdades da Gejú Crist. Insciö ól ester l'impëgn personal de vignun de nos. Spo devënta la Dlijia via, nia ma patria mo ince post da pié ia. Deboriada dunse testimonianza dla fede, dla speranza y dl amur de Crist.

Incö domënia 24/10 dales 16.15 é düc invia ala prozesciun da San Linert sö Oies, dales 17.00 vëgnel stlüt jö l'Edema dla Fede cun na zelebraziun dla Parora de Dî

Les Ëres Catoliches Val Badia inviëia düc i geniturs che á n pope o na popa da batié, përs che aspeta, toc y totes de nosc decanat, ala preparaziun dl Bato che vëgn tignida la sabeda di 13 de novëmber, dales 15.00 ales 17.00, tl salf de colonia da San Ciascian. L'incuntada vëgn stlütá jö cun n pice renfrësch arjigné ca dala Uniun dles Ëres da San Ciascian. Prenotaziuns 334 32 00 396.

PLOANIA DA SAN MARTIN

Chisc é inoms dles porsones che se mët a desposiziun por sté tl consëi de cöra 2021/26 - al röia ciamó lapró le mone y val' rapresentant dles uniuns, siur Klaus y siur Heinrich alda sambëgn lapró - : Giovanni Conrater, Rosmarie Crazzolará Dejaco, Leo Crepaz, Paul Pedevilla, Carla Ploner Verginer, Rita Vantsch Verginer y Susanna Talmon Bioc.

PLOANIA DA LUNGIARÜ

I seniors/les seniores da Lungiarü é bel invia/ades da gni ala ciastagnada l'atra sabeda ai 06 de novëmber fora Sares dal "Salerwirt". I jun cun i auti privac dales 14.30 dala plaza dlungia le Sanví demez por La Pli, olach'i fajun na palsa. Por ne jí nia düc cun so auto periunse bel da se mète adöm tan ch'ara vá. La cëna sará incër les 18:00 y le menü costa 28 € a porsona + les boandes. I interessá é peria da se prenoté pro la Renate por telefonn nr. 342 327 9406 *cina en domënia 31 de otober*. Tolésse do le "pass vërt" y la mascherina.

Ora de stories por mituns da 3 a 6 agn: I t' inviun dër bel en vëndres ai 29 d'otober dales 16.00 tl salf dl Istitut Ladin. I te cuntarun la storia dla vacia balarina y dedò podunse düc n pü' balé. Dales 17.00 pó túa mama o to tati indò gni a te tó.

Orar dla biblioteca tl Istitut Ladin daverta cun orars nüs: dal lönesc ala jöbia, dales **09.00 ales 12.00** y dales **15.00 ales 17.00** le vëndres dales **09.00 ales 12.00**.

Istitut Ladin: En sabeda, ai 30/10, dales 16.00 presentaziun tla Ciasa Runcher a Badia dl liber "Dalla Val Badia alla Val Gardena a Milwaukee" che cunta di fredesc Pescosta d'La loja de Badia, che s'un è jüs i agn do la vera ia Milwaukee tl'America. Tl medemo momënt vëgnel daurí tres tla Ciasa Runcher la mostra de fotografies dl vedl fotograf de Badia Zeleste Alfarei, che restará daverta cina ai 07.11.2021. La mostra é daverta: dai 31/10 al 01/11: dales 10.30 - 12.30 y 16.00 - 19.00 y dai 02/11 ai 07/11: dales 16.00 - 19.00



www.valbadiaonline.it/comunite

Plata dles Ploanies San Martin y Lungiarü

ploan Klaus Sottsas 344 15 54 055 - klsoottsas@rolmail.net
siur curat Heinrich Perathoner 339 65 74 213
redaziun anton.gasser@rolmail.net - 348 27 44 517 / 0474 523 194

24.10. - 31.10.21 nr. 48

ultimo termo por comunicaziuns: jöbia, dales 20.00

30ª DOMËNIA IA POR L'ANN B

Vangele do Merch 10, 46-52

Canche Gejú â lascè Ierico cun sü discepui y cun na gran meja de jënt, êl n petler verc sentè sön ur de strada, Bartimëus, le fi de Timëus.
Pornanch'al â aldì, ch'al ê dailò Gejú da Nàzaret,
âl metü man da scraie dadalt: Fi de Davide, Gejú, mënete picé de mè!
Tröc le bruntorâ ch'al dô scutè. Mo al scraia ciamò plü dassënn:
Fi de Davide, mënete picé de mè! Gejú é stè chit y â dit: Cherdédele ca!
Ai â cherdè le verc y ti â dit: Ais coraje, lê sö, al te chërda.
Dailò âl sciurè demez so mantel, é saltè sö y ti é jü pomez a Gejú.
Gejú l'â damanè:
Cî dessi pa fa por tè?
e verc â respognü:
Rabuni, ch'i pois indò odëi.
Dailò ti â Gejú dit:
Va! Túa fede t'â salvè.
Te chël momënt âl indò odü,
y al ti é jü do a Gejú sön so tru.



"Ci dessi pa fa por te?"

*Cun chësta domanda se desmostra Gejú sciöche n bun famëi de animes.
Al ne se sforza nia sö cun sües ideas y ci ch'al mina che sides bun por la jënt,
mo al ti mët naota averda ales porsones y a sü debojëgn;
al lascia baié chi che ne vëgn nia ascutá sö y ti dá lerch a chi sburlá da na pert.
Chësta mainira é tres ciamó la miú ativité pastorala, sides por i proi
co ince por nos cristians, cherdá da ester chiló un por l'ater.
Incorajé, consolé, daidé, ghira ch'i se damanunse tres indò :
"Ci dessi pa fa por te?" (Image)*

EDEMA	SAN MARTIN	LUNGIARÜ	DE MONDIAL DLES MISCIUNS Le Papa pëia ia dal'esperienza di apostui: <i>"Al n'è nia meso da scuté ia ci ch'i un odü y aldi"</i> stäl scrit tla Storia di Apostui (4,20). I discepuî â esperimenté coche le Signur varî i amarâ, ti dè da mangé ai arfamâ y insignâ cun autorité. Döt chësc â lascé indô te ëi na impresciun dër sota y na gran morvëia che i implî de ligrëza. I pröms cristians se tignî a ci ch'ai â aldi y odü ince te n ambiënt olach'al n'è nia saurî da vire y da testimonîé süa fede. Ince al dedaincö n'è la situaziun tl monn nia saurida. I plü debli y indefenüs toma tres plü sot tla meseria. Impotënza y tristëza se desleria fora. La pandemia gaujëia indeferënza y dejinteres. Y le Papa damana <i>"Cherdunse nos cristians te Gejü, le Ressorî, che ne arbandonëia degiugn sön ur de tru?"</i> Descorajamënt, rassegnaziun y stanchëza ne pó te nosc monn nia avëi la suravënta. La cherdada tles Misciuns ne pó nia ester val' che valô ma ti tèmps passâ - dij le Papa. Propi incö <i>"adora Gejü cörs che é bugn da vire la vocaziun, sciöche na storia d'amur che i condij tles periferies dl monn, y da diventé nunziadus y massaries de compasciun."</i> Te tröc posé dl monn scrafta la meseria a cil! <i>(dal Sonntagsblatt)</i> Possibilitè da fá n'oferta ch'an pó trá jö dala cuta a Missionskomitee Bozen (St.Nr. 94105170214) 39100 Bozen, Domplatz 2 Südtiroler Sparkasse IBAN: IT73R060 4511 6010 0000 5005 630 SWIFT: CRBZIT2B001 Dede dant osta misciun y osc codesc fiscal
24.10.21 30ª DOMËNIA - ann B De Mondial dles Misciuns Conclujun Edema dla Fede 16.15 Prozesciun sö Oies 17.00 Liturgia dla parora	Festa dla Racoiüda 9.00 Corona 9.30 Gran Mëssa por la Comunité <i>cun les families y le cor di mituns</i> de rengraziamënt dla racoiüda por la familia de Maria Flöss + Robert Tolpeit Oferta por les Misciuns	Festa dla Racoiüda 7.55 Corona 8.15 Gran Mëssa dla comunité de rengraziamënt dla racoiüda Oferta por les Misciuns 15.00 Corona tla capela de S. Ojöp da Oies	
25.10.21 Lönesc <i>Crisant y Daria</i>			
26.10.21 Dedolönesc <i>Amandus, Aurel</i>	19.00 Mëssa vis y def. de Maria Trebo, Tor por na varijun		
27.10.21 Dedemesaledema <i>Colman, Antonia</i>	18.00 Corona d'otober	7.30 Mëssa dl ann + Luca Schuen aniv. + + Florian y Nane Clara dedô Corona d'otober	
28.10.21 Jöbia <i>Scimun y Iüda Tadeus apostui</i>	7.30 Mëssa + + Paul y Frida Vantsch + Maria Alfreider Zingerle Corona por Vocaziuns		
29.10.21 Vëndres <i>Ermelinda, Iazint</i>	18.30 Adoraziun chîta 19.00 Adoraziun deboriada	7.30 Mëssa en onur de Santa Maria dl ann + + Lidwina y Giovanni Costa	
30.10.21 Sabeda <i>Bornert, Fonjo</i>	20.00 Mëssa prefestia + + Eusebio y Angela Nagler düc i defunc Tolpeit, Ju + + Alfred y Erica Videsott	18.30 Mëssa prefestia p. fam. Marino y Maria Mischi a d'intenziun vis y def. de Hannele y Lüca Sorà	
31.10.21 31ª DOMËNIA - ann B	9.00 Corona 9.30 Gran Mëssa por la Comunité vis y def. fam. Giovanni y Caterina Ploner + + Emma y Bachisio Cosseddu dl ann + Caterina Ferdigg Moling	7.55 Corona 8.15 Gran Mëssa dla comunité 15.00 Corona tla capela de S. Ojöp da Oies	